


Te Paemahana

Pou Mahi 2

He mahi-ā-rōpū tēnei. Arā, me mahitahi koutou ki te whakatutuki i ngā pātai.

1. Me whakawhitiwhiti kōrero mō ēnei pātai nei:
 - I te wā e mutu haere ana te raumati, ā, e uru atu ana ki te wā o te hotoke, he tere ake te whakamātao haere o te moana, o te roto rānei? He aha ai?
 - Mēnā ka whakakīia ētahi ipu e rua ki te wai mahana, kia iti noa te wai ki tētahi, kia nui ki tētahi, ko tēhea te mea tere kia heke te paemahana?

Whakahaerehia tētahi whakamātau kia kitea ai mēnā he tere ake te whakamātao haere o tētahi ipu wai nui, o tētahi ipu wai iti rānei.



- Rīngia he wai wera/mahana ki ētahi ipu e rua. Kia iti noa iho te wai ki tētahi o ngā ipu, kia nui ki tētahi.
 - Inea te paemahana o te wai ia 2 meneti, ka tuhi ai ki tētahi tūtohi.
 - Whakaaturia ngā inenga o te mahana o ngā ipu e rua ki tētahi kauwhata rārangi – kia kotahi te kauwhata, kia rua ngā rārangi (tētahi mō te wai iti, tētahi mō te wai nui).
2. Me whakawhitiwhiti kōrero mō ēnei pātai nei:
 - He aha tētahi mahi e pōturi ai te whakamātao haere o tētahi ipu wai?
 - He aha te take e hiahia ai te tangata kia pōturi te whakamātao haere o tētahi ipu wai?

Whakahaerehia tētahi whakamātau kia kitea ai mēnā he tere ake te whakamātao haere o tētahi ipu wai kua tākaitia ki te pepa, kāore rānei.



- Rīngia he wai wera/mahana ki ētahi ipu e rua. Kia ōrite te rahi o te wai ki ia ipu. Taupokina ngā ipu e toru ki te kirihou (arā, te gladwrap). Tākaitia tētahi o ngā ipu ki tētahi whārangi kotahi o te nupepa. Waihotia tētahi o ngā ipu ki rō pouaka, ka puru ai i ētahi tīhaetanga nūpepa kia kikī tonu te pouaka. Weroa tētahi ine-mahana ki roto i te taupoki o ia ipu.
- Pānuhia te paemahana o te wai i ia ipu i ia meneti, ka tuhi ai i ngā inenga ki tētahi tūtohi. Whakaaturia ngā inenga ki te kauwhata rārangi – kia kotahi te kauwhata, kia toru ngā rārangi (tētahi mō ia ipu). Tuhia he kōrero hei whakamārama i te kitenga matua.